

2. April 2019

UKA2019/120/169

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Inissianik attartortitsisarneq pillugu Inatsisartut peqqussutaata 1§ 60-ip allannguutissaanik kingusinnerpaamik UKA 19-mi saqqumiusseqqullugit Naalackersuisut peqquneqarnissaanik inatsisartut aalajaangiiffigisassaattut siunnersuugut. Taamaalilluni attartortup toqukkut qimagunnerani utoqqat illuanulluunniit nuunnerani inoqutigiinni najugaqartut inigisaminnik anisinneqarsinnaanerannik pitsaanusumik illersorneqarsinnaasunngorlugit. Uani ilanngullugu § 60, imm. 2, uniffiup appaa peerneqassasoq, taamaalilluni aamma § 60, imm. 1 aamma 2 allanngortinneqassasut ukiut marluk najugaqarnissamik piumasaqaataasup qaammatinut arfinilinnut allanngortinneratigut.**

(Inatsisartuni ilaasortaq Peter Olsen, Inuit Ataqtigiit)

**Attartortitsisup aningaasartuutit ilanngaatigereerlugit iluanaarutissaasa maanna 1,5%-iusut, Namminersorlutillu Oqartussani inissianik attartortut akilertagaasa ukiut pingasut ingerlaneranni atorunnaarsikkiartuaarneqarnissaannut, taarsiullugulu immikkut aserfallatsaaliinissanut atugassiissutitut inissiaqarfiit immikkoortortaanniiginnarnissaannut Naalackersuisut siunnersuummik suliaqaqqullugit peqquneqarnissaannik siunnersuut. Aserfallatsaaliinissami aningaasat oqorsaait pitsanngorsarnerinut, matunut, igalaanut, qalipannernut assigisaannullu atorneqassapput.**

(Inatsisartuni ilaasortaq Aqqaluaq B. Egede, Inuit Ataqtigiit)

Inatsisartunut ilaasortat Peter Olsen aamma Aqqaluaq B. Egede Inuit Ataqtigiit siunnersuutaannut ataatsimuukannersillugit Siumumiik imatut oqaaseqarfigissuagut.

Siumumiik anguniagarput tassaajuaannarpoq kikkut tamarmik pitsaasumik inissaqarnissaat, taannaammammi pitsaasumik inuuneqarnissamut pingaarnerpaamik tunngaviliisartoq.

Taamaammat aamma siumumiik iluarisimaarparput inatsisartunut ilaasortat Peter Olsen aammalu Aqqaluaq B. Egede najukkami najuiinnartarsinnaanermik qulannaarinnissinnaanermut aammalu najukkap najoruminartuujuaannanissaanik qulakkeerinninniarnissamik siunertaluimmik qaqitsimmata.

Siumumiimmi aamma manna oqallittarfik aqqutigalugu aammalu § 37 atorlugu apeqquteqartarnitsigut qaqinneqartunut assigusunut qaqitsiuartaratta.



Inatsisartunut ilaasortap Peter Olsen-ip siunnersuutaani atungarliutaalersartut Siumumiik akuersaanngillunnaratsigit oqaatigissuarput.

Taamaamat nuannaarutigarpup Naalackersuisut akissuteqaataani takusinnaagatsigu ajornartorsiutaalersartut ilaat iluarsiniarlugu inatsit siusinnerusukkulli iluarsineqareersimasoq, aammalu siunnersuuteqartup § pisaa ataatsimut siunnerfilerlugit suliarineqarlersimanerat oqaatigimmassuk.

Inoqutigiinni napparsimasoqalenera, toqusoqarnera utoqalinerluunniit pissutaalluni najugaqaqataasunut atugarliutaalersarnera iluarsiniarlugu siunnersuuteqartumiik kissaatigineqarpoq ukiamut 2019 inatsimmik saqqummiusseqqullugit.

Naalackersuisuniilli akissummi takusinnaasatsituut tamanna angumerineqarsinnaanngittut nalilerneqarpoq. Siumumiik tamanna ilalerusupparput. Angumersinnaannginnermulli ilaliinerput isumaqanngilaq siunnersuuteqartoq akerlilerippup. Isumaqatigerujussuarparput, taamaamat attartortitsinermut inatsisissatut siunnersuut nutaaq 2020 upernaakkut ataatsimiinnermi saqqummiunneqartussa, siunnersuuteqartullu aalajangiiffigisassatut siunnersuutaanik ilalik qilanaarluta Siumumiik utaqqerusupparput.

Aqqaluaq Biilmann Egede Inuit Ataqtigii inissiat najorneqartut pisoqaligaluttuinnartullu pillugit siunnersuutaa pitsaasumik toqqissisimanartumillu angerlarsimaffeqartuaannarnissamut qulakkeerinninniarnermik imalittut Siumumiik isigaarput.

Tamanna qujanaqaaq, aamma maani inatsisartuni ukiut kingullit sisamat qiviarutsigit inissiat pisoqaligaluttuinnartut iluarsaanneqarpallaaratik akittoraluttuinnartut Siumumiik ataasiarata qaqittarnikuusagut eqqarsaatigalugit.

Iluarsartuussisariaqarnernut tulleriiarisarneq Qanoq ingerlanneqartarnerasoq ilisimavallaanngilara, kisianni siunnersuuteqartup tusagassiuutitigut tusarsimasaa Aasiannut tunngasoq kisimiinngittoq ilisimalluarpara. Uanga aggerfinniik Qasigiannuaniik inissiat ilaat matoorarneqarput assigiinngittutigut peqquteqartinneqartumik. "Suliassaamatagooq". Aamma taamaappoq allani minnerunngittumik avannaani issittartumi.

Inissiarpassuit ukiunik 50-60-nik pisoqaassusillit amerlasuut Nam. Oqartussat kisimik piginngilaat, aammali Kommuuni inissiarpaalussuarnik peqarpoq, taakkulu aserfallattaalineri pitsaanerusutut oqaatigineqarsinnaanngillat.

Siunnersuuteqartoq tunngaviatigut Siumumiik tapersorsoratsigu oqaatigissuarput, kisiannili ullutsinni inuit angerlarsimaffeqariaasiat allanngoriartortoq eqqarsaatigalugu qanga avataaniik



suliartortut inissiassaattut sananeqarsimasorpassuit aserfallakkaluttuinnartullu  
aningsartuutigiuannarniarnerigut eqqarsaatigeqqunarpoq.

Siunnersuut tunngaviatigut akerlilingilarput, kisiannili Naalackersuisut aaqqiissummik  
pijuartussamik suliarilluakkamillu kissaateqarnerat taperserusunneruaput.

Tassalu inatsisissamik nutaamik piareersaatiniq aallartitsereersimanerat kiisalu inissianik  
attartortitsinermut inatsisissamik aappangu 2020-mi upernaakkut saqqummiussinissaat  
utaqperusupparput.

Jess Svane

SIUMUT